

L'ÈBBICHI ANTICHI E-LLÈBBICHI MURERNI

- Cuòmu canciàru i riempi, mpari Piddu! ...
Chistu è-ccastiu ri-Ddiu! ... E n-ci criri nuddu! —
- Ma, iu, certi oti, fazzu a fatt'e chiddu ...,
ddi bbièddi tièmpi... unni finièru, Puddu?...
N-c'è-cchiù dda custumanza ri na ota! ...
N-c'e-cchiù dda sirietà, dda curtisia! ... -
- Lu munnu ggira! ... E-ffa cuòmu na rrota! -
- Ma tantu ggira ca s'aruzzulìa! -
- N-ca m'arriuòrdu iu, na ota, picciriddu ...
tannu campava u su-Ffilippu Nchièddu; ...
- ora murìu, mischinu, puru iddu! . . . —
Chissu stava pròpriu a Iu castièddu!
Era l'ùrtimu juòm'i callivari ...
- Sempri cci piènzù! Nun m'u scuòrdu mai! . . . —
cu-mmenza lira! ... - Tannu era rinari! —
N'agnèddu sanu! ... iu pròpriu l'accattai!
E-nni-nni-emmu, ca, si t'arriuòrdu,
tannu campava a-zza-Bbrasa Puddicinu! . . .
Cci rèttimu, mi pari-ca, tti-ssordi. . .
e-ppriparau dda carni e n-varrilièdd' î vinu,
N-ca cc'era puru u su-Ffilippu Nciuògghiu
Bbrasi Scurcidda, Minicu Scalora,.. .
acciustanti vinni Vastian'u Ttùgghiu
assiemi cu-Tturiiddu Rattalora!
N-zumma, na chenca pròpriu r'a curina! ...
N-ca niscìu na zzubbagghiàta a-ggranni stili!
Ri dda niscemmu e quattru ri matina:
quannu finìu u vin'î-nno varrili! . . .
- L'èbbica canciàu compretamenti!
Nuaddi virimu ca sta picciuttanza
nun-zapi cumminari pròpriu nenti! ...
Chissu picchi? ... C'abbara â ştravacanza! -
- E nun parlamu ri li ronni r'ora! . . .
N-ca li viri semp'annannu mpillittati; ...
cu-vvesti curti.. . . cu li jamm' î fora; . . .
- Tutti ttruccati; . . . tutti mpruvigghiàti! -
- E n-pòviru picciuòttu c'av'a-ffari?
Rimmillu tu: com'av'a-ffari, Piddu? ...
Ca veni l'ura e-ss'av'a-mmaritari! ...
e-cci finisci, propriamenti, com'a-cchiddu

ca stenn'a manu e-ppìgghia nu rranatu ...
ri fora è-bbuònu! ... ma r'intra è-mmuffutu!..
Nenti ri fari! ... Quannu l'a spaccatu ...
n-vita materna arresta ri (*)... ! -
- Eppure, sai..., parlannu ntra ri nui,
mancu ddi tièmpi èrinu sinceri! ...
Ora passau e-ssocchi ffui fui! ...
Ma,... t'u scurdasti u fatt'î to mughieri? ...

(*): fa il cenno delle corna con la mano